

quando absque causa in furorem incidat, fugam meditari. Ipse enim dum fugituram moratur, majori erga eam amore incitat, post litem factam amicitiam. Verum quis unquam dices, vidit leænæ alatam, aut plumæ leænæ quid profuerint? Prope Cythæronem montem vallis est profunda, in qua non nisi leænæ volatiles visuntur: In ipso verò montis ejusdem vertice Leo rubens versatur ex eo genere, quod Hercules trucidavit. Captandus itaque leo est, & in vallem ducendus, & mox leænæ alatae copulabitur: Illa quoque facile se superari patietur, nempe par à pari. Post ex valle dicta in montis cacumen uterque sublimandus erit & ab hinc nunquam à se invicem fugient, at semper in violato fœdere commanebunt. Leonū captura, fateor, non est facilis, sed multis periculis obnoxia, nihilominus instituenda erit. Leo non pascitur cum leæna, sed separatum errat, ut tradunt. Hinc cujusque indagatio & venatio seorsim fieri debet: Quod si verò utriusque à primis unguiculis, cùm primò incedere incipient, quod fit post secundum à partu mensim, pulli leonini conquerantur, & adultiores facti, ut dictum, conjungantur, res carebit omni periculo. Nascuntur autem verno tempore, quod observandum, apertis oculis. Cùm verò post partum Leones oblique ingrediantur itinere, ne cubile deprehendatur, ideo summâ diligentia & curâ inquirendi, eorumque pulli auferendierunt.

R if Ein